



**Quæstionum Canonicarum, In Quinque Libros
Decretalium, Tomus ...**

In Librum IV. Decretalium, per viginti, & unum Titulos distributum, De Sponsalibus, Et Matrimoniis, eorumque impedimentis, ac dispensationibus,

...

Schlüter, Georg

Augustæ Vindelicorum, 1702

Articulus IV. An incestus cum propria Consanguinea incestuosis præstet impedimentum matrimonij?

[urn:nbn:de:hbz:466:1-73058](#)

cum consanguinea sponsæ de futuro, sit *perpetuum*? sicut de illo diximus, quod nascitur ex incestu cum affine. Probabilis est, non esse *perpetuum*, sed solum temporale, dum scilicet vivit complex sceleris, quod contra publicam honestatem commissum est; sic Abbas in *c. duo pueri. de spons. impub. n. 7. Covar. 4. decret. p. 2. c. 6. n. 4. & aliij.* Ratio est quia in *cit. c. duo pueri*, expresse dicitur: quod si Guilielmus post sponsalia de futuro cum Guilielma, cum hujus consobrina S. contraxit matrimonium, neutri (nimirum nec sponso Guilielmo, nec S.) vivente altero, datur licentia contrahendi: ergo incursum impedimentum prohibens cuiilibet eorum cum alio, *quamdui alter, criminis facies, vivit*. hoc autem est ad tempus; non *perpetuum*, ut dicitur de incestu cum affinis; ergo.

1146. Ex dictis colliges Episcopum posse dispensare in impedimentis solum impedientibus, actione exceptis. colligitur ex *c. 2. b. t. ubi Alexander III. rescriptum Episcopo Pidavieni*, quod cum eo, qui cognovit matrem suam sponsa de futuro, peracta peccnitia, poterit dispensare, ut ei liceat cum alia contrahere. *2.* dictum impedimentum non incurri propter incestum, nisi consilus sit cum consanguinea uxoris, vel sponsa *in gradu prohibito*; hoc est *intra gradum*, ad quem se extendit impedimentum affinitatis, vel iustitia publicæ; nam extra illum gradum incestus non est, saltem sub lege penalí. Et ideo incestus cum Consanguinea uxoris ultra quartum gradum; cum consanguinea fornicariae sponsa ultra secundum; & cum consanguinea sponsa de futuro ultra primum gradum, non inducit hoc impedimentum. Nam affinitas legitima ad quartum; illegitima ad secundum; & honestas publica ex sponsalibus de futuro solum ad primum gradum inclusive dirimit matrimonium, ut dictum est in *præced.* & dicetur in sequenti specie jure novo.

1147. Esto autem incestus cum proprijs consanguineis sit gravior incestu cum consanguineis uxoris, aut sponsa proprie; iste tandem punitur potius hoc impedimento, quia magis prajudicat vinculo conjugali (nam cum consanguinea uxoris impedit usum debiti; cum consanguinea sponsa, huic præstat in iuste impedimentū matrimonij cum

sponsa, & solvit priora sponsalia) quod non sit ex incestu cū proprijs; similiter in incestu contra justitiam publicam cum consanguinea sponsa de futuro mitior pena est (nimirum impedimentum solum temporale) quam in incestu cum affine (nam in hoc est impedimentum perpetuum) quia hic incestus est propriè talis, & majus delictum; ille autem solum impropriè, & delictum minus: punit tamen utrumque, ne delicta manent impunita.

ARTICULUS IV.

An incestus cum propria Consanguinea incestuosis praestet impedimentum matrimonij?

Titius carnaliter cognovit filiam fratris, *1148.*

aut sororis suæ, queritur, an per hoc incestuosus contrixerint impedimentum, vi cuius perpetuo impediuntur à matrimonio cum alijs licite contrahendo, prout dictum est de incestu cum consanguinea uxoris propria. Affirmativam sequitur Castro-palaus *tract. 28. d. 4. p. 2. q. 2. n. 5.* Basilius Pontius *l. 6. c. 13. n. 10.* probationem hujus opinionis desumunt illi. *1. ex c. de Incestis. 35. q. 3.* ubi dicitur incestuosos, *nullo conjugij nomine deputandos*; inter hos autem nominantur non tantum illi, qui cognoverunt consanguineam sui conjugis; sed, *si quis frater germanam uxorem acceperit.* secundo ex *c. si quis viduam. 32. q. 7.* ubi expresse dicitur, *si quis neptem, vel consobrinam, vel avunculi sui filiam polluerit, eos nunquam in conjugio copulari precipimus.* Ubi glossi in casu ait: dicitur hic, *quod si quis adulteratur cum affini, vel consanguinea, perpetua continentia debeat ei indici.* Tertio ex *c. 36 duo. 35. q. 6.* ubi dicitur: *ut, si duo contrixerunt, & fama sit contra eos, quod consanguinei sint, & hoc probetur, vel testibus, vel propriâ confessione, separantur;* & si se sic accommodaverint, ab incestu factore desinendo, *alia matrimonia contrahere non prohibeantur.*

Negativam autem sequitur P. Sanchez, *1149.* *l. 7. d. 15. n. 5. Covar. de sponsal. p. 2. c. 6. n. 4. Barbos. in cit. c. de incestis n. 2. P. Wiestner de impedim.conjug. p. 1. a. 7. n. 6.* qua opinio nobis probabilior videtur. Nam impedimenta matrimonij, jure solum positivo inducta ex delicto, penalia sunt, & non tantum quatenus continent penam,

P p 3

sed

sed etiam quatenus restringunt naturalem hominum libertatem in matrimonij, odiosa: ergo, nisi casus, de quo agitur, in lege, hoc impedimentum inducente, contineatur (cum talis dispositio stricte interpretationis sit) ad ejusmodi casum extendi non debet; sed canones, incestuosis imponentes impedimentum *perpetuum* impediens, non continent casum incestus cum propria consanguinea; ergo. Minor subsumpta constabat ex sequentibus; prima conseq. probatur: quia in casu, quo non habetur existentia, vel extensio legis, moraliter certitudine, possessio stat pro libertate contra legem, saltem pœnalem.

1150. Ad prob. ex c. de incestis. R. ibi aliud non dici, quam matrimonium inter incestuosos (ur. si frater germanam sororem accepit) non esse computandum *conjugij nomine*, quod verum est; sed per hoc non adimitur eis spes matrimonij cum alijs; immo potius melioris *ineundi conjugij libertas* conceditur; si prius deferant. Ad secundum ex c. si quis viduam, eadem responsio est; aliud enim non dicit, quam quod præcipiat, eos, qui polluerunt neptem, consobrinam, vel avunculi sui filiam, nunquam matrimonio copulari, quod intelligi potest, vel inter se, vel cum quovis alio; at hoc secundum non exprimitur; & primum est conformius alijs canonibus; nec extensionem ad duplex legis odium patitur. ergo venit intelligendum conformius, quod non possint inter se.

1151. Ad tertiam ex c. se duo: R. illud: si se accommodaverint, alia matrimonia contrahere non prohibeantur; non importare sensum, quod illis ob incestum non licet alia matrimonia prius contrahere; sed nisi prius matrimonium declaratione Episcopi solvatur, ut patet ex texu: ibi: si se Episcoporum iudicio separaverint. Nec obstat quod ibi dicatur: si juvenes sint, alia matrimonia, contahere non prohibeantur: ergo secundum erit, si juvenes non sint. Nam R. per hoc non definiri, ut, si juvenes non sint, matrimonium illis interdicatur; sed tantum dari causam, cur illis minimè prohibiri debeat, si juvenes sint; sic Bartol. in c. 2. h. t. n. 3. & alij.

1152. Dices tamen 1. in c. fin. 38. q. 8. ubi sermo est de incestuosis, manentibus in incestu, sic concluditur: & si alter eo-

rum morte preventus fuerit, alter, quem diu vivit, sine spē conjugij manet. R. ibi non adimi spēm conjugij propter incestum, sed paenitentiam solem, & publicam taliter incestuoso, superstiti, tota vitā impositam, ut colligitur ex gloss. ibid. V. Maneat; paenitentia autem solemnis, quam diu durat, matrimonio contrahendendo prestat impedimentum impediens, ut dicimus infra.

Dices. 2. quando ad matrimonium contrahendum dispensatur cum consanguineis, qui commiserunt inter se incestum, de stylo curiae additur clausula (*ut altero eorum defuncto, superstites non contrahabat aliud matrimonium*) at hoc non fieret, si incestus cum propriis consanguineis non prestat hoc impedimentum. Respondet Palacius in 4. d. 34. d. 2. col. 6. eos in dato casu, eā prohibitione non gravari ex eo: quod stylus curiae agnoscat hoc onus natum esse ex incestu, sed ex Pontificis praecepto, propter criminis enormitatem hoc statuentis.

ARTICULUS V.

An hoc impedimentum inducat quilibet incestus?

Questio procedit de incestu cum consanguinea uxoris, vel sponsae proprie; quo posito, R. 1. hoc impedimentum non incurri ex illo incestu *improprietati*, nisi commissio contra justitiam publicam. Cum enim sit impedimentum penale, extendi non debet ad alium incestum, quam proprietatem, nisi etiam improprietatis in lege exprimatur; at de nullo improprietati hoc habetur, nisi qui est contra justitiam publicam ex n. 1144. ergo.

R. 2. hoc impedimentum incurri ab incestuosis, licet neuter eorum sit conjugatus; constat 1. ex n. 1143. deinde ex n. 1144. ubi diximus hoc impedimentum incurri à sposo, & consanguinea sponsa de futuro, si haec ab illo carnaliter cognoscatur incestu etiam solum improprietati, nimis contra justitiam publicam honestatis, prout etiam sustinetur à P. Sanchez cit. n. 7.

R. 3. hoc impedimentum incurri, esto in incestu cum consanguinea uxoris, vel econtra contingat extra matrimonium, nimis